

TRIBUNAL Miroslav Tuđman o razgovoru u Hagu za „Dnevni avaz“

Karadžić neće ništa dokazati!

Srebrenica nije ugrožavala Srbe, nego su oni ugrozili egzistenciju Bošnjaka, tvrdi Tuđman

Piter Robinson (Peter Robinson), pravni savjetnik ratnog zločinca Radovana Karadžića, trebao bi se idućeg petka susresti s Miroslavom Tuđmanom, nekadašnjim šefom Hrvatske obavještajne službe (HIS) i sinom bivšeg hrvatskog predsjednika Franje Tuđmana.

Šverc oružja

No, Karadžićeva odbrana „još čeka da Vlada Hrvatske razjasni hoće li Tuđman osloboditi obaveze čuvanja državne tajne“, kako bi mogao odgovoriti na Karadžićeva pitanja.

Tuđman bi se tako trebao izjasniti o navodnom švercu oružja iz Irana preko Hrvatske u zaštićene zone Srebrenica i Žepa 1994. i 1995. godine, i to uz prešutnu saglasnost Sjedinjenih Američkih Država i drugih zemalja.

Haški tribunal izdao je obvezujući nalog po kojem se ja moram odazvati na taj razgovor s odvjetnikom. U suprotnom, zapriječena mi je kazna od sedam godina zatvora ili 100.000 eura. Međutim, ja moram poštivati hrvatske propise i zakone, jer sam ja bio službenik Hrvatske. Treba vidjeti hoće li Vlada meni skinuti oznaku tajnosti. Još nisam dobio



Tuđman: Čeka odgovor

Jelačić: Vidjet ćemo za oznaku tajnosti

Kako je za naš list kazala portparol Haškog tribunala Nermira Jelačić, ako Karadžić ocijeni da Vlada Hrvatske nije dovoljno uradila da osigura Tuđmanovo svjedočenje, onda on može tražiti od Sudskog vijeća da intervenira.

A hoće li Vijeće intervenirati, zavisi od toga da li je potrebno da bude skinuta oznaka tajnosti i obaveza čuvanja tajne. Svaka država članica UN-a ima obavezu da surađuje s Haškim tri-



Jelačić: Obavezna saradnja

bunalom, Sudom, Tužilaštvom i odbranom. To se ogleda i u dostavljanju dokumenata i osiguranju svjedoka potrebnih za predmet. Ali, to ne znači da države moraju odustati od oznake tajnosti, odnosno obaveze da se čuva njihova tajna - istakla je Jelačić.

obavijesti hoće li Vlada to učiniti ili ne - kazao je Tuđman za „Avaz“.

Izdavanje naloga

Poznato je, kaže on, da je Hrvatska za vrijeme rata propuštala naružavanje za HVO i Armiju RBiH.

Karadžićeva je teza, očito, ta da je dio oružja otišao u Srebrenicu. Prema tome, da to valjda nije bila zaštićena zona, i Karadžić je iz tog razloga naredio ono

što je naredio. Mislim da Karadžić time ništa neće uspjeti dokazati. Drugo je pitanje poštovanja odluka Vijeća sigurnosti UN-a... Srebrenica nije ugrožavala Srbe, nego su oni ugrozili egzistenciju Bošnjaka - smatra Tuđman.

U julu ove godine, podsjetimo, Raspravno vijeće Haškog tribunala odobrilo je Karadžićev zahtjev za izdavanje naloga Vladi Hrvatske da Tuđmanu uruči poziv za razgovor s njegovim pravnim savjetnikom. **F. VELE**



Erdoan: Mobilizirao državu i međunarodnu zajednicu

Ličnost dana Redžep Tajip Erdoan

Akcija humanosti

Turski lider prvi posjetio Somaliju predvođeci humanu misiju u gladu i ratom opustošenoj zemlji

Premijer Turske Redžep Tajip Erdoan (Recep Tayyip Erdogan) prvi je lider jedne od moćnih država svijeta koji se osjetio dovoljno pozvanim i odgovornim da posjeti Somaliju, državu u kojoj milioni ljudi gladuju, a hiljade doslovce umiru od gladi.

Erdoan je jučer stigao u Mogadiš, razoreni grad u kojem je do prije nekoliko dana bjesnio rat između pobunjeničkih grupa, s velikom državnom delegacijom i brojnim ministrima, među kojima je bio i šef diplomatije Ahmet Davutolu (Davutoglu), kao i Erdoanova porodica.

Tom prilikom doživjeli su i

neugodnost, kada je njihov avion prilikom teškog slijetanja oštećen. No, sve to nije spriječilo turskog lidera da upozori svijet da nevino stanovništvo Somalije, žene, djeca i starci umiru zbog suše, ali i višegodišnjeg rata koji je donio siromaštvo.

Erdoan ne samo da se lično angažirao nego je mobilizirao i državu Tursku, koja sada predvodi napore u svijetu za prikupljanje humanitarne pomoći, ali i stabilizaciju prilika u ovoj napačenoj zemlji i postizanje trajnog mira.

Aktuelni turski premijer rođen je 26. februara 1954. godine. Na dužnosti premijera je od 2003. **T. L.**

Austrijsko udruženje FUTUREBAG

Darovali 1.600 đačkih torbi prvačićima u BiH

U povodu Svjetskog dana mladih, predstavnici austrijskog udruženja za pomoć ugroženoj djeci u Bosni i Hercegovini FUTUREBAG - Torba za budućnost, uručili su 1.600 đačkih torbi s priborom za prvačice iz osnovnih škola širom Bosne i Hercegovine i štitičenicima organizacije „Obrazovanje gradi BiH“.

Vrijednost donacije iznosi preko 200.000 KM a sva sredstva su, uz pomoć prijatelja u Austriji, prikupili humanisti rođeni u BiH, bračni par Amra i Kemal Smajić.



Vrijednost donacije više od 200.000 KM

Svečano uručivanje torbi prvačićima u više od 50 osnovnih škola bit će upriličeno prvog dana školske 2011/12. godine. Dobrotvorno udruženje FUTUREBAG - Torba Za Budućnost ima cilj da pruži podršku sto većem broju materijalno ugrožene djece u Bosni i Hercegovini.

Hoće li Tužilaštvo BiH uskoro otvoriti slučaj

Prijava zbog zločina

Dragica Ivandić - Golemović je očevidac zločina u Briševu gdje je ubijen njen otac i trojica stričeva

Dragica Ivandić - Golemović iz Briševa kod Ljubije podnijela je preko svoga advokata Damira Alagića Tužilaštvu BiH krivičnu prijavu protiv 20 političkih i vojnih dužnosnika Republike Srpske, odnosno pripadnika Vojske RS zbog ratnog zločina u spomenutom hrvatskom mjestu.

Srpske snage su 24. i 25. jula 1992. godine ubile 69 hrvatskih civila u Briševu, a za taj užasni zločin još uvijek niko nije odgovarao. Ivandić - Golemović je očevidac

zločina u Briševu gdje je ubijen njen otac i trojica stričeva.

Kako je za „Dnevni avaz“ potvrdio advokat Alagić, prijava je, između ostalog, podnesena protiv pukovnika Vojske RS Veljka Brajića, bivšeg predsjednika samoproglašene Srpske općine Šanski Most Nedjeljka Rašule, bivšeg predsjednika samoproglašene autonomne regije Krajina Voje Kuprešanina, te navodnih direktnih izvršitelja zločina Draška Topića, Dušana Radulovića, Nove i

Dušana Babića, Boška i Borislava Vidičevića, Miroslava Štrbca, Đorđa Babića, Pere, braće Stojana i Bore Ivetića i Zorana Pejića i više drugih pripadnika „6. krajiške brigade“ i „5. kozarske brigade“ Vojske RS.

Postoji osnovana sumnja da su te osobe zajedno ili pojedinačno počinili jedno ili više krivičnih djela protiv čovječnosti i vrijednosti zaštićenih međunarodnim pravom - kazao je advokat Alagić. **F. V.**



Alagić: Užasni zločini